

Broj:01- 02/2-801/25 SK/MJ
Sarajevo, 26.03.2025. godine

Bosna i Hercegovina
Federacija Bosne i Hercegovine
PARLAMENT FEDERACIJE BIH
SARAJEVO

Primljeno: 27-03-2025			
Org. jed.	Broj	Priloga	Vrijednost
05/1	-02-	135	/25

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BIH
PREDSTAVNIČKI DOM
n/r gđin Dragan Mioković, predsjedavajući
n/r gđa Kenela Zuko, poslanik

VLADA FEDERACIJE BOSNE I HERCEGOVINE
n/r gđa Edita Kalajdžić, sekretar

Predmet: Odgovor na poslaničko pitanje, **dostavlja se-**

Veza: Akt predsjedavajućeg Predstavničkog doma Parlamenta Federacije Bosne i Hercegovine, broj: 05/1-02-135/25 od 18.03.2025. godine i akt sekretara Vlade Federacije Bosne i Hercegovine, broj: 03-04-574/2025 od 20.03.2025. godine

Poštovani,

U vezi sa poslaničkim pitanjem koje je postavila Kenela Zuko, poslanica u Predstavničkom domu Parlamenta Federacije Bosne i Hercegovine, a kojim je zatražena informacija postoji li komisija koja vrši nadzor nad stručnim radom i tretmanom djece u ustanovama za socijalno zbrinjavanje, dostavljamo sljedeći odgovor:

Odredbom člana 73. Zakona o ustanovama socijalne zaštite Federacije Bosne i Hercegovine ("Službene novine Federacije BiH", broj: 64/22) utvrđeno je da se nadzor nad radom federalnih ustanova socijalne zaštite provodi kroz unutrašnji, stručni i inspekcijski nadzor, dok je odredbom člana 76. stav (1) tog istog Zakona propisano da stručni nadzor nad radom federalnih ustanova socijalne zaštite vrši posebna komisija koju formira federalni ministar rada i socijalne politike od stručnih osoba s Liste stručnih nadzornika u federalnim ustanovama socijalne zaštite koju utvrđuje Vlada Federacije na prijedlog Federalnog ministarstva rada i socijalne politike.

Pri tome treba naglasiti da nužan preduslov za formiranje navedene Liste stručnih nadzornika, kao i za imenovanje komisije predstavlja donošenje propisa o vršenju stručnog nadzora nad federalnim ustanovama socijalne zaštite kojim će se detaljnije urediti način i sadržaj provođenja stručnog nadzora, opći i posebni kriteriji za odabir stručnih nadzornika, forma i sadržaj liste stručnih nadzornika, način formiranja komisije za provedbu stručnog nadzora, sadržaj zapisnika o provedenom stručnom nadzoru, sadržaj evidencije o provedenim stručnim nadzorima, datim preporukama i

naloženim mjerama, kao i druga pitanja značajna za obavljanje stručnog nadzora nad federalnim ustanovama socijalne zaštite.

U tom kontekstu, ističemo da je Federalno ministarstvo rada i socijalne politike sačinilo Pravilnik o vršenju stručnog nadzora nad ustanovama socijalne zaštite Federacije Bosne i Hercegovine koji je, u skladu sa odredbom člana 76. stav (6) Zakona o ustanovama socijalne zaštite Federacije Bosne i Hercegovine, dostavljen na prethodna mišljenja federalnom ministru zdravstva, federalnom ministru obrazovanja i nauke i federalnom ministru pravde. Zaključno sa danom, 25.03.2025. godine traženo mišljenje dostavilo je samo Federalno ministarstvo obrazovanja i nauke. Imajući u vidu navedenu situaciju, trenutno još ne postoji pravni osnov za formiranje tijela za provedbu stručnog nadzora jer, zbog prethodno navedenih razloga koji se odnose na izostanak prethodnih mišljenja navedenih tijela uprave, nije donesen provedbeni akt kojim bi to pitanje bilo uređeno.

S poštovanjem,



Dostavljeno:

- naslovu
- a/a